

Sanhgyangh: Laj Gorungz Cien Bi Hoh Fungsou

三江：千年古榕庆丰收

9 nyied 20 hauh, Sanhgyangh Duncuz Swciyen Liengzgouj Yangh Canjgouj Gingjih gawjbanh gorungz cien bi angqhoh fungsou hozdung, vunzlai dangdieg yungh golaux Duncuz、baiqcaeq gorungz、guh ceiz、ngaizbakranz daengj lai cungj minzsuz hozdung angqhoh fungsou, yinx ndaej ca mbouj geijlai cien boux hekyouz daeuj daejniemh yawjgonz youzcet.

Gaenh geij bi neix daeuj, Sanhgyangh haenqrengz laebguh Guengjsae yienh okmingz daegsaek lijyouz caeuq daengx guek yienh byauhcuinj sifan lijyouz, bineix 1 daengz 8 nyied, daengx yienh gungh ciepdaih hekyouz 309.6 fanh vunzbaez, lijyouz cungjsouhaeuj 19.6 ik maenz.

(Gungh Bujganh/龚普康)



▲Foux ok “2015” bi fungsou.



▲Diuqfoux angqraeuh.



▲Gyoengq yenjyenz biujyienj dwklongj.

Majsanh Bouxguhnaz Hwnj Daiz-heiq “Fwen Rwenz Mbanjcuengh”

马山农民登上“大地飞歌”舞台

9 nyied 17 hauh banhaemh, Majsanh Yen 48 boux bouxguhnaz hwnj gwnz daizheiq bi 2015 Namzningz ciet gozci minzgoh yisuz, youq haiciengz cezmuiz biujyienj 《Foux Dajndaem Cungguk》 haedsim yenzsu—Bouxcuengh Majsanh dwklongj, vih bouxyawj yienh’ok Cungguk seizneix vwnzva dajndaem ceiq gvangqlangh he.

Ciuq cam rox, 《Foux Dajndaem Cungguk》 dwg Majsanh Yen haenqrengz dajcauh deihtueng daegsaek vwnva lijyouz yienj ok hanghmoeg, haedsim neiyungz de dwg Majsanh Bouxcuengh dwklongj. 《Foux Dajndaem Cungguk》 aeu faexhanz guh haedsim yenzsu fuzhau, yungh “diuz faexhanz rap lajmbwn” guh cauh’eiq siengfap, cungfaen yienh’ok Majsanh minzsuz funghcingz daegsaek, gig ndei yienh’ok Mbanjcuengh vwnzva dajndaem daegsaek.

(Cai Beigyangh/蔡佩江 Veiz Sauginz/韦绍群)

Ningzmingz Canghfwen Bouxcuengh Bienq-baenz Bouxsenhconz Byaijdoengh Lajmbanj

宁明壮族山歌手成为乡村流动“宣传员”

9 nyied 14 hauh, Ningzmingz Yen Sanhgoh Hezvei 10 boux canghfwen youq lajmbanj aeu “sam yiemz sam saed” guh cawjdaez eu fwen hawj vunzlai dingq. Aen hezvei neix seizneix miz veiyenz 120 lai boux, yangh(cin、nungzcangz) miz 1000 lai boux haengigyaez eu fwen, daengx yienh miz 80 lai aen mbanj miz ciet eu fwen conzdungj Bouxcuengh. Aen yienh neix leihyung aen diuzgienh neix, ciengzseiz cujciz gyoengq veiyenz、boux haengigyaez eu fwen haiguh aenhoh yienjciengq eu fwen、eu fwen doxdax daengj hozdung, doenggvaq eu fwen vunzlai maij dingq gyaenz yawj haenx yiengq vunzlai lajmbanj senhconz loh sienq fuengcim cwngecwz dangj raeuz, gikfat vunzlai gaenxgoemx camgya.



▲Mwngz gyaenz dingq gou couh ciengq.

Mungzsanh Mbanjyauz Huq Daeg-saek Minzcuz Gaicawx Hoenghhwd

蒙山瑶乡民族特色商品交易活跃



▲Geij boux mehmbwk senj cawx gijdaenj Yauzcuz.

9 nyied 16 hauh dwg liggaueq ndwenbet coseiq, youq Mungzsanh Yayiz Yauzcuz Yangh Gaiyayiz, beix-nuengx Yauzcuz cingq senj cawx gijdaenj Yauzcuz, dang-dieg caeuq seiqhenz vunzlai Yauzcuz sibgvenq youq ngoenzhaenx, daj dieg gyaenz mbanjbya ganj daeuj Hawyayiz, cangndang moqsak gyaueget、ganj muihhoih、eu fwen、gai huqbya daengj, daegbied dwg huq daegsaek minzcuz gaicawx engq hoenghhwd, bienqbaenz aen hoihhoengh ndaw yienh rog yienh beixnuengx Yauzcuz doxcomz guhcaemz、vwnzva gyauhliuz、gaicawx he.

(Vangz Haijfungh/黄海峰)